

مکرمه فی الدخیل

❁ ادبی و سیاسی رسالهٔ اسبوعیه در ❁

۳۱ نجی سنه

۲ ذی الحجه ۱۳۲۹

❁ پنجشنبه ❁

جزء و عدد : ۱۲۲

سلطان محمود ناینک والدهسی

بعض وقایع وارد در که عصر لرجه ظلام مجهولیتده ایزی غائب اولدینی حالده کونک برنده بر باراقه نك تنویر آئینسیله انکشاف ایدر .
بوقیلدن اوله رق خاندان عثمانی یه عائد وقایعدن شمعی یه قدر مجهول قالمش اولان بر مهمه تاریخیه ، تدقیق انساب ایله اشتغال ایدن فرانسز ارباب تبعنک سایه همتنده میدانه چیقمشدر .

اصحاب نحرینک تأمیننه کوره سلطان محمود ناینک والدهسی ایله ناپولیون بوناپارتنک ایلك زوجهسی اولان ژوزفینک (که ناپولیوندن اولکی زوجی و یقوت دو بوهارنده در) ایکی همشیره اولدینی تحقّق ایتمشدر .
ژوزفین ۱۷۶۳ ده مارتینک آطه سنده طوغمش ومؤخرآ، مارتینک والیسنک اوغلی اولوب ، گندیسندن اوج یاش بیوک بولنان آلکساندر و یقوت دو بوهارنه ایله تاهل ایتمشدر .

۱۷۶۳ سنه میلادیه سینک مقابل ایسه ۱۱۷۷ سنه هجریه سیدر .

شمعی سلطان محمود ناینک تاریخ ولادتیه باقلم : معلومدر که پادشاه مشارالیه ۱۱۹۹ ده دنیایه کلشیدی ، که بونک ده مقابل میلادیسی ۱۷۷۴ سنه سیدر .

ژوزهفینک ۱۷۶۳ سنه سنده طوغمش اولسنه نظراً همشیره سیله آرم لرنده تولد لر نجه فرضاً مقدم ومؤخر اولق اعتباریله بر یاش فرق بولنسه ، تعبیر آخرله یا همشیره سی گندیسندن ؛ و یا خود گندیسی همشیره سندن بر یاش بیوک بولنسه سلطان محمودک تاریخ ولادتی اولان ۱۷۸۴ سنه سنده ایکیسندن بری ۲۰ و ۲۲ یاشلرنده بولمق لازم کلیر .

ژوزفین فرانسیسیہ نہ وقت گلش ؟ بوراسی مجھول ایسہدہ زوجیلہ مملکتلرنندہ
ایکیسیدہ طانیشمش اولدقلرننن شہہ یوقدر . چونکہ تاریخ ، ۱۷۷۹ دە یارسدہ
اعلان ازدواج ایندکلرینی سویلیور . بوازدواجدن درت سنہ صکرہ ۱۷۸۱ دە
براوغلاری دنیایہ کلشدر ، (کہ ناپولیونک اوکی اوغلی وروما قرال وکیلی مشہور
جنرال دوبوہارنہدر .) شوخالده بوہارنہ تیزہ زادہسی اولمق لازم کلان سلطان
محمود نایندن ۳ یاش بیوکلر .

شمعی دە سلطان محمودک والدہسی تدقیق ایدلم : مشار الہا مارتینیکدن
نہ وقت چیقمش . فصل اولمشدہ بورایہ دوشمش . روایتہ نظرآ فرانسیسیہ
کلرکن جزایر ضرب قورصانلرینک الہ دوشمش و دیگر بر روایتہ کوردہ Créole
دینلان ملزلر آشروب صاعمشلر .

ہر فصل اولسہ ولادت ۱۱۹۹ سنہ ہجریہ سنہ مصادف اولان محمود ثانی
تولید ایتک ایچون مادمازل تاشر دولایا زہری نک (کہ ژوزفینک ہمشیرہ سی
بویلہ تسمیہ اولکلیدر .) سرای ہایونہ بوتاریخدن ایکی سنہ اول صالتش وایتقدیم
اولشمش اولسی و تربیہ ابتدائیہ و آداب حرمرسانی اوگرشش بولغشی ، آندن
صکرہ طرف شاہانہدن استفراش ایدلسی امور ضروریہدندر .

رومانیا قرالی (قارل) حضرتلرینک دخی بو عالمہ ایلہ قرابتی بولندیی جملہ
روایاتندر .

روایت واقعہ فرانسیہ تاریخ انجملرنجہ صحتی تأمین اولنان تحقیقات جدیدہ دن
اولدیغنی و تفصیلاتنہ سابقا پارس سفیری چورلیلی زادہ صالح منیر پاشانک مطلع
بولندیغنی وقایع ملیہ مزہ متعلق خصوصاتہ احاطہ کلیہ سی مسلم اولان بر ذات خبر
ویردیکندن ، درجہ اطلاعتی بیلدیرمسنی مشارالہ منیر پاشادن بر مکتوب مخصوص ایلہ
رجا ایلدک . آئنہ حق تفصیلاتی بالطبع مجموعہ مزلہ ارباب مطالعہ یہ عرض ایدرز .
والدہ مشارالہا فاتح جامعی خارچندہ جادہ اوررنندہ تربہ مخصہ صہدہ مدفوندر .

حاشیہ :

سلطان ابراہیمہ قدر سلاطین سالفہ عثمانیہ اکثریا حکمدار و امرا و وزراء

قزلرله ازدواج ایتمگده ایدیلر . استفراش ، همان نوادر دن ایدی . سلیم اولک
زوجہ سی قریم خانک کریمہ سی ، فاتحک والدہ سی بر صرب پرنسسی ایدی .
کریمیانیلر . اسفندیارلرله قرابت صہریہده بولورلردی .

سلیمان اول بر فرانسز پرنسسی ایله ازدواج ایلمشدی . سلطان عثمان ثانی مفتی
وقت اسعدافندیکنک کریمہ سنی آلمشدی ، حتی خلع واعدامندن صگرمہ بوقادین غنی زادہ یه
تنکیج اولنمشدی . کوسم والدہ دینلان بیوک والدہ که (قایا) سلطان اسمیلہ متعارفدر
طربزون اشراف زادہ لرندن ایدی . حاصلی سلاطین عثمانیہ ۱۰۵۰ تاریخنه قدر
عموماً معروف النسب نسوان ایله ازدواج ایتمشیلردر . چرکس جاریه لر اشترا
واستفراشی بوتاریخده صگرمہ باشلامش ؛ غریبدرکه آندن صگرمہ صاحبه نسب نسوان
ایله تزوج ایتمک قانون حکمنی آلمشدر .

ابو الفضیلا

